

nachi in eadem ponerentur : unde et ab eodem episcopo privilegium habuisse et habere dicitur. Postmodum tamen hortatu et rogatu matris suæ in eadem ecclesia presbyteros et clericos posuit. Qui si quidem quia contra priorem et meliorem institutionem ibidem positi fuerunt, nec sibi nec ecclesiæ proficere potuerunt, imo pene defecerunt. Quocirca dilectionis vestræ devotionem exhortamur, rogamus atque monemus, quatenus pro salute animæ vestræ hoc omnimodo efficere studeatis, ut monachi Beati Theodorici qui regulariter vivunt et in sancta religione Deo serviunt, in ecclesia illa ponantur. Intelligimus etenim quod eis est plurimum necessaria, et præveniente divina misericordia, et vestro adjutorio, per eosdem poterit ad honorem Dei regulariter ordinari.

## II.

*Ad clerum Atrebatensem. — De electione episcopi.*

Anno 1150.)

[*Actes, etc., ibid., p. 206.*]

RAINALDUS, Dei gratia Remorum archiepiscopus.

A clero, militibus et universæ plebi Atrebatensium, salutem.

Credimus quod misericors Deus secundum multitudinem misericordiarum suarum Ecclesiam et urbem vestram respexit et personam sapientem et religiosam sacrisque canonibus competentem in pastorem et episcopum vobis praefecit. Hortamur itaque universitatem vestram ac praesentibus litteris commonemus quatenus ipsum debita reverentia honoretis, ejus salubribus exhortationibus et admonitionibus acquiescatis, et ei tanquam boni filii bono patri in omnibus obediatis. Quia vero per guerrarum infestationes gravia detimenta longo jam tempore perpessi estis, in remissionem peccatorum vestrorum vobis injungimus quatenus ipsius consilio pacem statuatis, unde auctori et amatori pacis placere valeatis, et unde multiplicem fructum tam in spiritualibus quam in temporalibus a Deo recipiatis. Valete.

## RAINALDI II ARCHIEPISCOPI RÉMENSIS DIPLOMATA.

## I.

*Confirmatio fundationis Sancti Judoci de Nemore.* (Anno 1125.)

[*Gall. Christ. t. X, col. 505, Instrum.*]

In nomine sanctæ et individuæ Trinitatis, Patris, et Filii, et Spiritus sancti. Amen. RAINALDUS, divina propitiante misericordia Remorum archiepiscopus, dilecto filio suo MILONI ecclesiæ Sanctæ Virginis Mariæ et Sancti Judoei de Nemore præposito, et ipsius fratribus qui in eadem ecclesia regularem vitam professi sunt, eorumque successoribus in eadem observantia permansuris in perpetuum.

Religiosis desideriis dignum est facilem præbere consensum, ut fidelis devotio celerem sortiatur effectum. Quia igitur vos, filii in Christo charissimi, divina præveniente gratia, vitam vestram sub regule disciplina B. Augustini coercere, et communiter secundum sanctorum Patrum constitutionem, omnipotenti Deo deservire proposuistis, nos votis vestris paterno congratulamur affectu; unde etiam postulationi vestræ juxta petitionem confratris nostri Ingeranni, Ambianensis Ecclesiæ venerabilis episcopi, benignitate debita annuimus, vitæ namque canonicae ordinem, quam professi estis, præsentis privilegii auctoritate firmavimus, et vos vestraque omnia metropolitanae auctoritatis protectione munivimus, universa etiam ad vestram ecclesiam legitime

C pertinentia, tam vobis quam successoribus vestris, in perpetuum confirmamus, videlicet terram quam

Ingerannus de Monsteriolo dedit, in cuius parte ecclesia fundata est, et quatuor capones quos Ermanfridus de Cunniaco et frater suus Ingerannus eidem concesserunt ecclesiæ, et terram et nemus quæ concessit Rorgo de Tortosonte; ecclesiam de Buriis, et terram eidem pertinentem, et nemus quæ concesserunt Hugo de Ponte et Wiardus de Arguvio; decimas et terram quas Drogo de Selincuria tradidit; decimas etiam et terram quas donavit Balduinus de Cajo in Boloniensi patria; præterea quæcumque in præsentiarum eadem ecclesia juste possidet, quæcumque etiam in futurum legitime adipisci poterit, firma vobis vestrisque successoribus et inconcussa

D permaneant, salva in omnibus Ambianensis episcopi canonica reverentia. Statuimus etiam mortuo abbate suo fratribus ibidem Deo servientibus liberam et canonicam habere electionem, dum propositam secundum beati Augustini regulam firmam servaverint religionem. Auctoritate itaque Dei et nostra decernimus, et sub anathemate interdicimus, ut nulli omnino liceat eamdem ecclesiam temere perturbare, aut ejus possessiones vel cætera bona auferre, vel temerariis vexationibus fatigare.

Actum Remis anno Incarnationis Dominicæ 1125, indictione III, regnante gloriosissimo Francorum

rege Ludovico anno xix, anno autem archiepisco- A  
patus domni Rainoldi primo.

Fulcradus cancellarius recognovit, scripsit ac  
subscripsit.

Testes sunt Nicolaus et Hugo archidiaconi Remen-  
ses, Bartholomaeus Laudunensis episcopus, Lisiardus  
Suessionensis episcopus, Robertus Atrebaten-  
sis episcopus, Ebalus Catalaunensis episcopus, Ursio  
abbas Sancti Dionysii, Nicolaus abbas Sancti  
Nicolai.

## II.

*Charia fundationis monasterii Igniacensis.*

(Anno 1126.)

[Gall. Christ., t. X, col. 37, Instrum.]

In nomine sanctæ et individuæ Trinitatis. Ego  
RAINALDUS, Ecclesiæ Remensis licet indignus mini-  
ster, omnibus qui se sanctæ Ecclesiæ filios esse  
cognoscunt bravium supernæ hæreditatis.

Cum primum ad regimen Ecclesiæ Remensis dis-  
positio divina nos evocaret, honestorum virorum  
cura nobis sicut consortium eligere et eorum contu-  
bernio delectari. Visum igitur sicut Spiritui sancto  
et nobis monachos de Clarisvallis ascisci, et ut in  
parochia nostra illius ordinis abbatiam construere-  
mus totis nisibus elaborare. Ad hoc siquidem fa-  
ciendum libere contulimus eis totam terram de Monta-  
taum cum valle sua, et totam costam qua ascendi-  
tur versus Curvam-villam, et usque ad silvam quæ  
est versus Longam-villam cum ipsa silva, cum aqua  
et pratis, terris cultis et incultis. Contulimus etiam  
eis quidquid habebamus Ignaci cum circumjacen-  
tibus silvis, videlicet Forest et Beleis; quidquid  
etiam juris nostri erat in communi silva, et quid-  
quid a Pontio de Arceio emimus. Hæc supradicta ob  
nostrorum recordationem peccatorum signis et pro-  
babili personarum testimoniiis absque ulla reten-  
tione eis contulimus.

Signum totius capituli Remensis Ecclesiæ, cuius  
sigillo hæc charta munita est.

Signum Odonis abbatis Sancti Remigii

Signum Joranni abbatis Sancti Nicasii.

S. Guillelmi abbatis Sancti Theoderici.

S. Ursionis abbatis S. Dionysii.

Sig. etiam Sugerii abbatis Sancti Dionysii Pari-  
siensis.

Sig. Nicolai archidiaconi.

S. Hugonis archidiaconi.

Sig. Joffridi decani.

S. Leonis cantoris.

Sig. Adæ, Sig. Alberti, S. Odonis, presbytero-  
rum.

S. Bosonis, S. Gervasii, S. Drogonis, dia-  
conorum.

Actum Remis anno incarnationis Verbi 1126, indi-  
catione v, regnante Ludovico Francorum rege anno  
xix, archiepiscopatus autem domni Rainaldi anno  
III.

Fulcradus cancellarius recognovit, scripsit et sub-  
scripsit.

## III.

*Pactum inter Rainaldum II archiepisc. Remensem  
et Alberonem I episcopum Leodiensem, pro Bullio-  
nensi beneficio.*

(Anno 1127.)

[Gall. Christ., ibid., col. 58.]

In nomine sanctæ et individuæ Trinitatis. Notum  
sit omnibus præsentibus, et quorum futura poste-  
ritas exspectatur hac præsenti pagina discat quid  
et quomodo de beneficio Remensis Ecclesiæ quod  
ad castellum quod Bullion dicitur pertinet, cum  
Alberone venerabili Leodiensi episcopo statui-  
mus. Ego Rainaldus, Remensis Ecclesiæ licet indi-  
gnus minister, beneficium quod Remensis Ecclesiæ  
ab antiquo esse dignoscitur, quod etiam ad Bullio-  
nem pertinere nulli dubium est, Alberoni Leodiensi  
episcopo, et per eum successoribus suis condi-  
tione supposita contradidi. Si ob aliquorum infe-  
stationem Remensi ecclesiæ ingruerit necessitas,  
dominus Leodiensis episcopus equitatum trecento-  
rum militum singulis annis mihi vel meo ducet  
cuilibet successori, si quadraginta dies ante præmo-  
nitus fuerit. Quod si taliter præmonitus habere se  
legale vel canonicum impedimentum monstraverit,  
de prædicta expeditione excusatus erit, ita tamen ut,  
postquam fuerit expeditus, pactum exsolvat præ-  
fixum, eodem rursus termino revocatus. Hunc autem  
equitatum dominus Leodiensis suo conductu et pro-  
priis expensis ducet usque Mosomum, quo post-  
quam pervenerit, Remensis ei cum suis omnibus,  
et in progressu, et in morando, et in revertendo  
usque ad Mosomum victus necessaria providebit. In  
quamecumque vero partem circa Remensem urbem  
et per decem leugas protrahere hanc militiam, vel  
habere secum ad obtinendam ecclesiæ utilitatem  
voluerit, per quindecim dies cum expensis eos reti-  
nebit, ita ut infra hunc terminum eos reducat usque  
Mosomum. Si vero eundo vel redeundo aliquid de  
suis amiserit, de his omnibus archiepiscopus nihil  
eis recompensabit; quidquid autem lucratum fuerint  
tam in equis quam in aliis rebus, præter captos  
milites, sui juris erit. Si de prædicto beneficio vi-  
olenta vel infestatio fuerit illata Leodiensi episcopo,  
Remensis ei consilio aderit et auxilio. Si quæ vero  
contradiccio fuerit orta, vel proclamatio digna au-  
diari, non alibi statuet diem audientiae nisi Mosomi,  
juvabitque eum ad retinendum lege et sententia  
judiciali. Similiter ibidem et non alias alibi Remensi  
occurret Leodiensis episcopus, de neglectu hujus  
servitii, vel pacti prævaricatione tantum responsu-  
rus. Quia vero Leodiensis episcopus aliorum more  
casatorum hominum nobis facere non potuit homi-  
num, octo de suis, quatuor videlicet de castellaniis  
de Buillon, Galterum scilicet de Buillon, Ingensem  
de Mireval, Manassem de Herge, Ingensem filium  
Lamberti, et quatuor de aliis casatis suis, Cingerum  
advocatum, Galterum castellanum de Hoio, Rainal-  
dum de Jupperi, Lambertum de Tiembeche, a quibus  
hominum suscepimus, nobis produxit. Insuper hu-

ius conventionis tenorem, et amicitiae servandae in manu nostra firmavit, quod etiam a successoribus suis Remensi archiepiscopo eodem modo observandum statuit, utrisque tandem episcopis, Remensi scilicet et Leodiensi, sublatis de medio, ab utriusque ecclesiæ successoribus pactum omne, ut prædiximus, observabitur perpetuo et irrefragabili jure. Item quod Leodiensis episcopus veniens Mosomum firmata amicitia, renovata conventione, redditis hominiis baronum prænominatorum, si supervixerint, vel hæredum sibi succendentium, a Remensi archiepiscopo gratis et absque ulla contradictione certum recipiat beneficium. Si vero quolibet accidente casu aliquando Leodiensis ecclesia prædicti castelli possessione caruerit, ita ut juste reclamare non possit, omnis præscripta conventio inter Remensem et Leodiensem episcopum cassa et annulata maneat. Quia ergo sicut scriptum est, *generatio præterit et generatio advenit*, et dictorum æque a factorum nostrorum ætas interit, ne processu temporis deleri quod gestum est, aut ambiguitate mutari valeat, hanc nostram conventionem scripto mandavimus, probabilium personarum attestatione firmavimus, insuper additamento nostræ imaginis communiri jussimus.

Sig. Odonis abbatis Sancti Remigii.

Sig. Joranni abbatis Sancti Nicassii.

Sig. Ursionis abbatis Sancti Dionysii.

Sig. Nicolai archidiaconi

S. Hugonis archidiaconi.

Sig. Joffridi decani.

S. Leoais cantoris, etc.

De laicis :

Sig. Henrici de Castellione.

S. Blihardi de Hercereio.

S. Nicolai de Burgo.

S. Radulsi de Radulsi-cурte.

S. Haimonis castellani de Alto-monte.

S. Balduini dapiferi, etc.

De Leodiensibus :

Signum Alexandri archidiacon.

Sig. Dodonis archidiaconi.

S. Arnulfi præpositi.

Sig. Willelmi præpositi, etc.

De laicis :

Signum Lamberti comitis, etc.

Actum Remis anno Incarnationis Verbi 1127, in dictione v, regnante Ludovico Francorum rege anno v, archiepiscopatus domini Rainaldi tertio.

Fulchradus cancellarius recognovit, scripsit et subscrispsit.

#### IV.

*Litteræ Rainaldi Remensis archiepiscopi de excommunicatione et absolutione Guiterii comitis Regi-testensis.*

(Anno 1127.)

[MARTENE, Thesaurus Anecd., t. I, col. 567, ex chartario S. Remigii.]

Ego RAINALDUS Remensis Ecclesiæ, licet indignus, minister, seriem causæ excommunicationis simul et

A absolutionis Guiterii comitis de Reitestete (*Réthel*) ad posterorum memoriam hac præsenti pagina pertractare dignum studui. Excommunicaveramus predictum comitem pro injustis consuetudinibus quibus villas S. Remigii, terras et homines opprimebat, et omnem quæ ejus ditionis erat terram anathematis vinculo obligaveramus. Hac necessitate compulsus S. Remigii abbas Odo Romam expetiit, Honorio papæ mala intolerabilia, quæ comes ille Ecclesiæ Sancti Remigii inferebat, exposuit. Dominus papa malorum motus acerbitate, excommunicationem in comitem nominatum factam confirmavit, et omnibus suffraganeis Remensis Ecclesiæ episcopis, ut eam in comitem promulgarent litteris ad eos directis mandavit. Comes, hujus ignominiae

B opprobrium ferre non prævalens, præsentiam nostram adiit et satis lacrymosis precibus ut concordiam inter eum et abbatem componeremus nos exoravit. Accito abbate prædicto, aliis etiam abbatibus convocatis et quibusdam Ecclesiæ nostræ clericis, causam prædicti comitis diu ventilantes, hoc tandem fine terminavimus. Guerpivit et abjuravit saepe dictus comes in præsentia nostra et totius curiæ quod nullam ulterius in villis Sancti Remigii, exceptis hominibus suis capitecensis, exactionem faceret, quod vulgo tallias dicunt, nec ministeriales sui. Guerpivit etiam et abjuravit salvamentum quod a quatuor villis Sancti Remigii exigebat, videlicet a Salice S. Remigii (*Saulx-Saint-Remi*), a Roisiaco (*Roizy*), a Basilica-cурte et Insula (*Isle*). Guerpivit et adjuravit lethum, sanguines, redhibitionem hominum Sancti Remigii, qui partes suas non accipiunt. Solitus erat idem comes hominibus suis dare homines S. Remigii, qui de advocatione sua erat. Qui injustis consuetudinibus eos veluti suos opprimebat, quod adjuravit ulterius se non facturum, nec defensor inde alicui existeret, nisi quantum ad advocationem suam pertinet. Hæc omnia supradicta in præsentia nostra et totius curiæ guerpivit et adjuravit prætaxatus comes, nisi forte si ad eum præpositus S. Remigii clamorem fecerit. Tunc de justitia quam ei faciet, tertiam partem habebit. Juravit præterea quod pro his omnibus quæ dimisit nullam malefaciendi occasionem adversus

C villas et homines S. Remigii exercebit. Si vero aliquid supradictorum quæ juravit infregerit, commonitus, nisi infra quindecim dies emendaverit, absque retractatione excommunicationi subjacebit. Præterea de immodicis hospitationibus quas in villis S. Remigii nimis frequenter idem comes facere consueverat, et de operibus et carroperariis, quibus homines ecclesiæ afficiebat, si clamor ad abbatem venerit, et commonitus in curia abbatis, si infra quindecim dies ad justitiam venire neglexerit, eidem excommunicationi cui modo subjacet sine dilatione subjacebit. Hanc igitur auctoritatis nostræ paginam ratam esse volentes, impressione imaginis nostræ idoneis etiam testibus subscriptis roborari fecimus.

Signum Odonis abbatis S. Remigii.  
 Signum Engubranni abbatis Altivillarensis.  
 Signum Jorranni abbatis S. Nicastri.  
 Signum Ursionis abbatis S. Dionysii.  
 Signum Hugonis archidiaconi.  
 Signum Joffridi decani.  
 Signum Leonis cantoris.  
 Signum Adæ, signum Alberti, signum Odonis, presbyterorum.

Signum Gervasii, signum Odonis, signum Drogo-nis, signum Bosonis, signum Joannis, diaconorum.

Signum Albrici magistri.

Signum magistri Graphionis Andegavensis de laicis, S. Hilarii de Monte-Gaii, S. Pagani de Calmisiaco, S. Otranni.

Actum Remis anno Incarnati Verbi 1127, indi-  
ctione v, regnante venerabili rege Francorum Ludovico anno xxii, archiepiscopatus domini Rainaldi anno iii.

Fulcradus cancellarius recognovit, scripsit et subscrivit.

V.

*Instituti in abbatia Sancti Martini Sparnacensis ca-nonici regulares.*

(Anno 1128.)

[Gall. Christ. X, 59, Instrum.]

RAINALDUS, miseratione divina Remorum archiepiscopus, notum facimus quod illustris comes Theobaldus, divina inspiratione compunctus, Sparnacensem ecclesiam ob remedium animæ suæ et prædecessorum suorum, Stephani videlicet patris sui, et avi sui comitis Theobaldi qui in eadem eccllesia sepultus est, in manu sua hujusmodi liber-tate donavit. Cum prædictus comes Theobaldus præfatam ecclesiam a primogenitoribus suis quasi hæreditario jure sibi derelictam teneret, et abbatiam ipsius ecclesiæ Galeranno, domini Andreæ dapiferi sui filio, dedisset, incommutabili voluntate Dei, qui mutat omnia quando vult, eadem eccllesia ad meliorem statum mutata est. Præfatus namque Galerannus Spiritus sancti gratia divinitus inspi-ratus, et domni Bernardi Clarævallis prudenti consilio roboratus, jam dictum comitem adiit, sese sæculo abrenuntiaturum, et apud Claramvallem monachum futurum enuntiavit, petivitque ab eo quatenus ecclesiæ Sparnacensem ad ordinem et regulam beati Augustini per manum dicti archiepi-scoxi permutari concederet. Cujus petitioni satis rationabili comes supradictus libenter annuens, Deo et præfato archiepiscopo ecclesiam supradictam li-beram, et sub regula S. Augustini in perpetuum permansuram dimisit, etc....

Actum Remis anno Incarnati Verbi 1128, etc....

VI.

*Charta Rainaldi Remensis archiepiscopi de quitatione gistarum et procurationum monasterio S. Nicastri concessa.*

(Anno 1129.)

[VARIN, *Archives administratives de Reims*, I, p. 282.]

RAINALDUS Remensis archiepiscopus.

Pastoralis cura quam, Deo disponente, suscep-

A mus, nos desinenter admonet oppressis subvenire et quibuslibet anxietatibus attritis, compassionis manum porrigerere. Ego itaque Rainaldus Remensis Ecclesiæ indignus sacerdos, considerans fratres qui in monasterio Beati Nichastri degunt..... plurimis angi necessitatibus..., altaria subter annotata ob remissionem peccatorum meorum eorum usibus contuli.... Alter (sic) videlicet Sancti Remigii de Celto et alter Sancti Helani de Buxolio.... Univer-sitati præterea fidelium notum facere dignum duco, quod cum abbatem et fratres ecclesiæ Sancti Ni-chastri impetissem super quibusdam quæ ad jus meum spectare credebam, gists videlicet et procu-rationibus, tam in præfata ecclesia quam in ejus membris, prædicti fratres nulli antecessorum meorum tale quid se unquam reddidisse dixerunt. Insuper et privilegium reverendi Patris nostri Alexandri papæ II super hujusmodi libertate et im-munitate, necon' et scripta venerabilis prædeces-soris nostri Gervasii Remorum archiepiscopi, qui jam dictam [ecclesiam] extruxerat, sed et litteras domini Philippi illustris Francorum regis super eadem libertate, mihi attulerunt. Ego vero inspecto tenore prædictorum scriptorum et notata ex eo-rum notitia præfatæ ecclesiæ libertate, de sapien-tum virorum consilio, calumniam quam adversus prænominatos fratres habebam, eis omnino remisi, et a præfatis querelis liberos et immunes esse de-crevi; et ut maliguandi locum successoribus meis nullum relinquam præsenti pagina inserere dignum duxi.

S. Hugonis archidiaconi.

S. Frederici præpositi.

S. Hugonis thesaurarii.

S. Leonis cantoris.

S. Adam, S. Ermencici, S. Alberti, S. Odonis, S. Henrici, presbyterorum.

S. Gervasii, S. Gerardi, S. Raineri, S. Guidonis, S. Bosonis, S. Joannis, diaconorum.

S. Albrici, S. Amalrici, S. Petri, S. Gerardi, S. Guidonis, subdiaconorum.

Actum Remis, anno incarnati Verbi 1129, indi-  
ctione vi, regnante Ludovico rege Francorum,  
anno regni ejus xix, archiepiscopatus autem domini  
Rainaldi anno tertio.

Fulcradus cancellarius scripsit et subscrivit.

VII.

*Confirmatur fundatio monasterii Igniacensis.*

(Anno 1130.)

[Gall. Christ., t. X, col. 59, Instrum.]

RAINALDUS, divina dispensatione Remensis Ecclesiæ humili minister, dilectis in Christo filiis Ro-BERTO Igniacensis monasterii venerabili abbatii, ejus-que fratribus in eodem monasterio Beatæ Mariæ monasticam vitam professis, eorumque succe-soribus in eadem observantia permansuris in per-pe-tuum.

Quia quæ ad religionis cultum pertinere digne-

scuntur, æternam animabus salutem conferre credimus, cum primum ad regimen Ecclesiæ Remensis dispositio divina nos evocaret, summa cura nobis fuit ac studium honestorum ac religiosorum eligere consortium, et eorum contubernio delectari. Dignum igitur visum fuit Spiritui sancto et nobis, viros de monasterio Clarævallis ascisci, et ut in parochia nostra vestri ordinis abbatia construeretur: enī : ob hoc siquidem Beatæ Mariæ matri misericordiæ quietum, et ab omni exactione liberum, quidquid Ignaci habebamus, contulimus cum circumjacentibus silvis, Forest videlicet et Beleis usque ad summitatē montium, ubi divisio facta est; et metis, et fossato et viis. Ultra metas autem concessimus vobis quidquid vestro vestrorumque successorum usibus necessarium erit. Donavimus etiam eidem Beatæ Mariæ et vobis liberam totam terram de Monte-Taonis, cum valle sua et aqua; in terra vero nostra ultra aquam concedimus vestris usibus necessaria, in silvis videlicet et pascuis, decimam quam dominus Henicus de Castellione apud Montem-Taonis tenebat, et quidquid ibidem habebat, gupertivit et reddidit, et uxor sua Ermengardis, et ipsorum filius Gualcherus: et nō illud totum Beatæ Mariæ vobisque tradidimus.

Præsentis itaque privilegii auctoritate tam vobis quam et successoribus vestris, quæ prædicta sunt finiamus, et ea quæ ab aliis fidelibus vobis jam collata et in posterum conferenda sunt. Ponzardus siquidem de Arceio et Albertus de Jarceio, annuente et plaudente filio suo, Beatæ Mariæ et vobis donaverunt quidquid Ignaci proprium tenebant, in terris scilicet, pratis et pascuis; de silvis vero circumjacentibus tantum vobis dederunt, quantum sagitta ab arcu semel emitte potest; in reliquis autem silvarum suarum partibus, vobis et posteris vestris, quidquid vestro in illorum usui necesse fuerit. Pro terris vero quas rustici ab ipsis tenebant, Ponzardo pecuniam dedimus, et ipse alias terras agricolis illis reddidit. Guarinus autem Malus-privignus, de cuius feodo Ponzardus et Albertus terras illas tenebant, hoc totum concessit atque laudavit. Porro dominus Andreas de Baldimento et uxor ipsius Agnes, corumque filii Guillelmus et Guido, monasterio vestro in eleemosynam coutulerunt Resson quoddam mansionile de potestate Chehereii, et terram ei adjacentem a valle prati usque ad valliculas, cum fundo vallium, et latera usque ad summitatē montium, ex utraque parte, sicut limitatum est. Hæc autem terra protenditur a via Chehereii et qua itur ad montem S. Martini, usque ad fines Villæ Savoie, et usque ad fines Montis-Taonis, et usque ad fines Avelerei; quidquid vero intra hos fines continetur, sive sit terra arabilis, sive prata, pascua vel aquæ, vobis in perpetuum collatum esse dignoscitur. Præterea omnia prata et alias terras quas idem Andreas circa Perreium habebat, quæ solent esse de potestate Avelerei, assentiente uxore sua et filiis, Beatæ Mariæ et vobis libere donavit. Quamdam vero silvu-

A lam quæ erat de potestate Avelerei, ita vobis latus est, quod nec ipse nec sua posteritas inde quidquam valeat dare, vendere, vel quoquomodo commutare; in omnibus etiam silvis suis vobis benigne concessit, ut inde absque omni contradictione habeatis, et successores vestri quidquid necessitas vestra, et ipsorum usibus suis expostulaverint. Dominus autem miles de Arceio et uxor sua Hildeburgis, et eorum filii Nicolaus, Ado et alii Beatæ Mariæ et vobis dederunt de terra Avelerei arabili, quæ est affinis et continua terræ de Monte-Taonis, quantum plene et abundanter sufficiat duabus carrucis omnibus anni partibus in quibus terræ arantur et excoluntur. Porro Egidius et Helias fratres filii Girardi præpositi de Castellione, Beatæ Mariæ et vobis contulerunt terram illam quam apud Montem-Taonis habebant. Has profecto donationes super altare B. Mariæ offerri vidimus in die dedicationis monasterii vestri, et approbavimus, easdemque hujus privilegii auctoritate corroboravimus, sub anathemate interdicentes ne qua persona sacerdotalis vel ecclesiastica, de prædictis donationibus vos vel successores vestros aliquando inquietare præsumat, etc.

Signum Josleni Suessionensis episcopi.

Sig. Ursionis Virdunensis electi.

S. Bernardi venerabilis abbatis Clarævallis.

S. Remensis Ecclesiæ cujus sigillo haec scriptura sigillata est.

Signum Odonis abbatis S. Remigii.

Sig. Ingelranni abbatis Altivillaris.

Sig. Guillermi abbatis Sancti Theodorici

S. Joranni abbatis Sancti Nicasii.

Sig. Gilberti abbatis Sancti Dionysii.

Sig. Fulconis Sparnacensis abbatis.

Sig. Hugonis archidiaconi.

Sig. Frederici præpositi.

S. Leonis decani.

S. Gervasii cantoris.

Sig. Hugonis thesaurarii, etc.

Actum Remis anno incarnati Verbi 1450, indictione viii, regnante Ludovico Francorum rege gloriosissimo anno xxiv, archiepiscopatus autem Rainaldi II anno v.

Drogo cancellarius scripsit et subscrispsit.

### VIII.

*Charta Rainaldi archiepiscopi Remensis, de confirmatione sancti Wlmari.*

(Anno 1452.)

[Gall. Christ., t. X, col. 400.]

Ego REGINALDUS, per Dei patientiam Remorum archiepiscopus, dilectis in Christo filiis PETRO ecclesiæ Sancti Wlmari abbati venerabili, et cæteris fratribus in eodem loco canonicam vitam professis, eorumque successoribus in perpetuum.

Cum omnibus qui intra ambitum nobis commissæ dioecesos continentur vigilantiam debeamus, ad hoc potissimum nostra se accinxit industria, ut ecclesias et sanctorum locorum possessiones, quas laice invaserat ambitio, in pacem quietemque revo-

caremus, et a sacerdotalium hominum illicita perva- A  
sione emancipatas, amatoribus Christi liberius sub-  
deremus. Ego igitur Raginaldus ad omnium tam  
presentium quam futurorum notitiam protrahere  
studui, quod comes Eustachius timore extremi ex-  
aminis praec oculis statuto, cum religiosa matre Ida  
et uxore nobilissima Maria, coram Joanne bonae  
memoriae Morinensi episcopo, jus omne quod habe-  
bat in ecclesiam Sancti Wlmari in civitate Boloniae  
sifam, liberum et absolutum Domino Iesu Christo  
concessit, eo videlicet tenore quod canonici secun-  
dum regulam sancti Augustini regulariter viventes,  
ibi substituerentur. Hanc ipsam donationem suc-  
cessor hujus comes Stephanus, cum uxore sua Ma-  
thilda, in presentia domni Milonis successoris jam  
dicti Joannis confirmavit, atque distributionem præ-  
bendarum, et jus omne quod in predicta ecclesia  
post præfatam donationem injuste usurpaverat,  
restituit, et fratribus sub regula beati Augustini  
religiose in posterum victuris ibidem concessit.  
Vobis ergo, fratres charissimi in Domino ac filii,  
præfatam ecclesiam ejusque possessiones quas in  
presenti possidet, vel in futurum possidebit et  
acquisitura est, vestrisque successoribus sub regula  
beati Augustini Deo militaturis metropolitana au-  
toritate confirmamus. Illud sane religionis, etc. Ut  
autem hujus schedulæ continentia futuris tempo-  
ribus rata et inconvulsa permaneat, probabilem  
personarum subnotatione et sigilli nostri impres-  
sione eam corroborari fecimus.

Signum Josseni Suessionensis episcopi.

S. Milonis Morinensis episcopi.

S. Ursionis abbatis Sancti Dionysii.

S. Hugonis abbatis de Monte Sancti Eligii.

S. Balduni abbatis Sancti Vincentii Silvane-  
ctensis.

S. Joannis abbatis Beatæ Mariæ Boloniensis.

S. Adæ abbatis Sancti Judoci in Nemore.

Actum Remis anno 1132, regnante Ludovico rege  
Francorum anno xxvi (5) regni sui, archiepiscopa-  
tus vero domini Rainaldi anno ix.

Rainaldus Remensis archiepiscopus confirmat omnes  
possessiones monasterii Silincurtis.

(Anno 1133.)

[Gall. Christ. t. X, col. 305.]

RAGINALDUS divina propitiatione Remorum ar-  
chiepiscopus, universis sanctæ Ecclesiæ filiis in per-  
petuum.

Cum ad bene operandum subditorum animos in-  
formare et vitæ exemplar esse debeamus, si pec-  
catis exigentibus pastoris officium minime adim-  
plere valemus, eorum vel bonis operibus congratu-  
lari, et in aliquo participes esse studeamus. Justis  
igitur petitionibus venerabilis confratris nostri Gu-  
arini Ambianensis episcopi, prout dignum est, pa-  
terno affectu annuentes, locum in Selincuriae pa-  
rochia constitutum Gualterio abbatii ejusque suc-  
cessoribus canonice promovendis, et fratribus in  
eodem loco canonicam beati Augustini observan-  
tiam profitentibus eorumque successoribus, et om-  
nia quæ in predicto loco a fidelibus collata sunt, quæque etiam in futuro predicta eccle-  
sia rationabiliter possessura est, ea etiam quæ in-  
serius adnotabimus, predictis privilegiis auctori-  
tate confirmamus. Hæc autem sunt quæ firmamus,  
videlicet terra quæ est circa ecclesiam, etc., sere ut  
in charta Guarini episcopi (6). Ut autem hujus de-  
creti pagina in posterum rata et inconvulsa per-  
maneat, imaginis nostræ impressione, et probabi-  
lium personarum intitulatione eam corroborari

fecimus.

Signum Josleni Suessionensis episcopi.

Sig. Joffredi Catalaunensis episcopi.

S. Alvisi Atrebatus episcopi.

S. Milonis Morinensis episcopi.

S. Odonis abbatis Sancti Remigii.

S. Ingulranni Altovillarensis abbatis

S. Joranni abbatis Sancti Nichasii.

S. Ursionis abbatis Sancti Dionysii.

S. Hugonis abbatis de Monte Sancti Eligii.

S. Theoderici abbatis S. Eligii Noviomensis.

S. Albrici, S. Hugonis, archidiaconorum.

(5) Lege xxiv aut xxv.

(6) Quæ sic pergit : « Circa ecclesiam, et duas  
partes decimæ de Selincuria, et tres partes ejusdem  
decimæ quas tenebant Joannes de Boiasvile, Radul-  
phus Haleus, Aluricus de Poiz, et tertia pars de-  
cimæ de Worluis, quæ omnia Drogo et filius ejus  
ecclesiæ libere concesserunt ; et tertia pars decimæ  
de Tenceneul-maisnil quæ dedit Rogerus de Se-  
lincuria ; decimæ etiam omnium animalium et hor-  
torum ejusdem loci, quas concessit dominus Fru-  
malodus prior et universum capitulum ecclesiæ Beati  
Martini Ambianensis fratribus ibidem Deo servien-  
tibus, et decima totius terræ Ernoldi sacerdotis fra-  
trisque ejus Clari, et tercia pars decimæ quæ per-  
tinet ad altare d'Estruisuz, et decima terræ Valteri  
Wastel et filii ejus Radulphi. Terra etiam de Teneul-  
maisnil, quam Rogerus Claboldus, Eustachius et  
Walterus Bonardus eidem ecclesiæ dederunt, con-  
cedente Drogone de Selincuria a quo tenebant, et

D decimæ quam dedit Bernardus le Wales ; terra quo-  
que de Curia de Gislebert-maisnil, quæ est a via  
quæ dicit ad Vilars, usque ad viam quæ tendit ad  
Broecort, et pratum quod est juxta eam viam,  
quæ omnia Guillelmus Bisete suique homines, sci-  
licet Ingerannus de Belnay et Renoldus de Gislebert-  
maisnil quidquid in eis possidebant eidem eccle-  
siæ concesserunt, et tertia pars decimæ ejusdem  
terræ quam Radulphus de Gislebert-maisnil et filii  
ejus dederunt. Tertia vero pars decimæ altaris  
et curia libera, quæ dominus Guarinus episcopus  
et dominus Symon archidiaconus eidem ecclesiæ  
concesserunt, et campus quem dedit supradictus  
Renoldus, cuius terragium et decimam sibi reti-  
nuit ; pars etiam molendini quæ fuit Guillelmi con-  
versi ecclesiæ sancti Judoci, quam abbas omnisque  
conventus sancti Judoci eidem ecclesiæ concesse-  
runt. »

S. Leonis decani.

S. Gervasii cantoris.

Actum Remis 1135, indictione xiii, regnante Ludovico Francorum rege anno xxvii, archiepiscopatus autem domini Rainaldi secundi anno xi.

Drogo cancellarius recognovit, scripsit et subscripsit.

#### X.

*Rainaldi Remensis archiepiscopi privilegium de aqua Vidulæ, maresco, herbagio et jurisdictione. S. Theoderici usque ad crucem Haymonis.*

(Anno 1137.)

[VARIN, *Archives administratives de Reims*, I, p. 290.]

In nomine sanctæ et individuæ Trinitatis, Patris, et Filii, et Spiritus sancti.

Ego RAINALDUS secundus, Dei gratia Remorum archiepiscopus, notum esse volo omnibus tam præsentibus quam futuris quo ordine, qua ratione, controversiam illam veterem et redivivam, tempore Hellini abbatis terminavimus, quæ de aqua Vidulæ juxta villam quæ dicitur Chalonis, et de adjacente maresco vel palude, et piscatura tota, et fundo ipsius terræ et herbagio, et banno et justitia, contra ecclesiam Sancti Theoderici a Girardo Roceiensi et antecessoribus ejus toties injuste commota est, et a nobis juste sapita. Anno primo, mense quarto abbatiæ prædicti abbatis, Girardus ad Vidulam venit, et piscatores ecclesiæ qui in maresco nassas suas tendebant, scilicet in fossis quibusdam quæ vulgo Raheria nuncupantur, in quas aqua de matris alveo, cum piscibus dirivatur, minis et terroribus exturbavit, exturbatosque a punctionis officio cessare coegit. Prohibuit nilominus ne abbas absque ipsius licentia lapides foderet in montibus quorum tamen et bannum totum, et justitiam, et ex majori parte fundum terræ, ecclesia Sancti Theoderici haereditatio jure, legitima possessione, tenuit et tenet, possedit et possidet. Hoc autem prohibens, prohibitones suas hac solummodo munivit occasione, quod infra vice comitatum ejus montes illi esse dicuntur. His quidem super injuriis, charissimus confrater noster Bartholomæus venerabilis Laudunensem episcopus, Girardum parochianum suum ex petitione abbatis in præsentia nostra convenit. Qui cum pace nequaque acquiesceret, diem accepit in qua attentius de pacis inter eos reformatione tractaretur. Ad hanc autem venire parvipendens, iterum atque tertio diemi accepit. Sed neque iterum, neque tertio venire curavit. Cum igitur nec ille ab injuria, nec abbas a clamore desisteret, mandavimus episcopo quatenus locum et tempus aptum constitueret, ubi pariter nobis convenientibus, alteratio illa finem debitum judicio sortiretur. Factumque est ita, et ad crucem quæ dicitur Haymonis grandis utrumque (*sic*) hominum multitudo convenit: concedentibusque nobis privilegium quodam protulit abbas, sigillis duobus, nostro scilicet et episcopi præmunitum. Quod cum in auribus tam Girardi quam omnium qui aderant a magistro

A Bernardo aperte lectum, diligenter exponeretur, audivimus et recognovimus item hanc, olim tempore venerabilis Guillelmi abbatis, sub multorum testimonio sedatam fuisse; quando scilicet nobis sedentibus in monte juxta Chalons, a septem legalibus hominibus Sancti Theoderici cum jurejurando deracionatum est, totam aquam et marescum, a molendino quod dicitur Mascele, supra, usque ad locum qui dicitur Vidua, fundum terræ, et piscaturam, et herbagium, et bannum, et justitiam esse Sancti Theoderici; herbagium quidem et pasturam tam de maresco quam etiam de monte usque ad crucem Haymonis communem et hominibus Sancti Theoderici et hominibus Gerardis; piscaturam vero totius aquæ propriam et indominicatam Sancti Theoderici, a prædicto molendino usque ad fulcituram qua dividitur ipsa aqua ad molendina Machot et Puisun, et usque ad fossam vel vivarium quod appellant Raherium; supra vero communem; bannum quoque et justitiam ubique infra hos fines, videlicet ab aqua usque ad prædictam crucem, solius esse ecclesiæ Sancti Theoderici. Nobis autem rei hujus ordinem finemque ex tenore privilegii recognoscere, cum ejusdem privilegii Girardus auctoritati primo non satis obtemperaret, abbas illud per legitimas personas quæ et ibi præsentes aderant, et illi nihilominus compositioni præsentes existabant, prout judicium expeteret, cōprobaturum se et confirmaturum viva voce, asserauit. Hac ille tandem rationis virtute convictus, veritati consentiens, privilegium concessit. Insuper etiam quod de lapidibus in monte fodiendis prohibuerat, ac injuste prohibuisse recognovit; testes inde habentur, Jorannus abbas Sancti Nicasii, Lucas abbas Cussiacensis; clerici Remenses; Petrus de Curvavilla, Boso, magister Amalricus, magister Bernardus, magister Fulco, Letbertus decanus, Clerici Laudunenses; Dei amicus, Ansellus, Herbertus subdecanus, Adzo de Roceio, et Radulphus.

Laici :

Hugo Coxardus, Otrannus, Thomas de Rohas, Gualterus nepos ejus, Ertaldus de Roceio, Helias.

Actum Remis, anno incarnationis Verbi 1137, indictione xv, regnante Ludovico Francorum rege anno xxx, archiepiscopatus autem domini Rainaldi ii, anno xii.

Drogo cancellarius recognovit, scripsit et subscripsit.

#### XI.

*Rainaldi Remensis archiepiscopi charta de compositione pacis facta inter ecclesiam S. Theoderici ex una parte, et Gerardum Roceensem Aldricum Mallet ex altera.*

(Anno 1138.)

[VARIN, *Archives*, etc, I, 1, 295.]

RAINALDUS secundus, Dei gratia Remorum archiepiscopus, tam præsentibus quam futuris, in perpetuum.

Notum vobis fieri volumus modum pacis quæ inter ecclesiam Beati Theoderici et Gerardum Rocheien-

sem, quadam vice tempore Hellini abbatis, nobis præsentibus et quantum Dominus dedit admittentibus, reformata est: cæterum ordo rei videtur exigere ut prius causam litis, deinde pacis evolvamus. Hominem Sancti Theoderici quem dicunt Aldricum Malet, Gerardus cepit, ac diu carcerali discretione vexatum, tandem decem libris redimi coegit. Abbas vero, et per se, et per episcopum Laudunensem, per nos etiam, hominem suum rationabili ter requisivit; sed neque abbatii, neque episcopo, neque nobis, Gerardus eum reddere vel recommendare voluit. Unde et ab episcopo cuius parochianus erat, sententia excommunicationis in ipsum et totam ejus domum prolatæ est, et a nobis nihilominus confirmata. Præterea quandam terram habet ecclesia apud Melphi, scilicet quæ fuit pagani Hastamor sel et Odardi Cervi; de qua, quod de feodo suo es set, Gerardus asseruit: et ideo eam vel suam esse, vel ab ipso debere teneri contendit. In terra et de terra ecclesiæ a mercatoribus vini guionagium duobus annis violenter extorsit. De vinea quadam in Chocheriis, quæ fuit Heberti, sibi singulis annis vini dimidium medium deberi dixit. Apud Chalon scabines qui in placitis suis iudicia facerent, contra loci consuetudinem; noviter instituit. Torcularia in eadem villa; in terra propria, unum vel plura ad libitum suum, ecclesia ab antiquo solide et quietæ (*sic*) habuit. Ad hæc tamen ne quis causa premendi accederet, ille prohibuit. Super his igitur, inter abbatem et ipsum aliquandiu stetit alteratio, dum abbas audientiam quereret, ad quam ille venire re cusabat. Tandem autem, Domino adjuvante et studiis nostris cooperante, ambo in curiam nostram pacis gratia pari assensu convenere: ubi per os domni Hugonis Cossiart, compositio quæ sequitur aperte coram omnibus est determinata, et utrinque

A collaudata, ac sic ad effectum usque perducta. De decem libris supra dictis, abbas centum solidos condonavit; centum vero hac conditione retinuit, ut si forte aliquando pacem aduersus ecclesiam Gerardus in aliquo fregerit, post factam submonitionem nisi infra quindecim dies satisfecerit, et damnum restituerit, statim sine reclamatione, sine retractatione, eidem cui nunc subjacebat excommunicatio nis sententiæ tam ipse quam domus ejus tota sub jacebit donec cum recenti damno et hos centum solidos restituerit. Terram quæ fuit pagani Astamor sel et Odardi Cervi quirpivit, et se amodo contra omnes ecclesiæ guarandum fore repromisit. Guionagium illud amplius non accipiet, et de eo quod acceperat xii nummos reddidit. De vinea prædicta B vinum non exiget. Scabinos depositus. De torculari bus quæ cessare coegerat, errorem suum recognovit, pro certo recognoscens quod in terra Sancti Theoderici quæ est apud Chalon nihil juris haberet, adeptusque veniam de præteritis se a modo nullam contradictionem, nullumque prorsus impedimen (*sic*), ad torcularia prædicta venientibus, illaturum, devote pollicitus est. Ista compositio, sicut prædiximus, Remis in præsentia nostri, coram testibus, qui infra adnotantur, determinata est, et postea in capitulo Sancti Theoderici, Gerardo præsente et absolutionem humiliter postulante, coram testibus qui et ipsi per se inferius adnotantur, recitata. Odo abbas Sancti Remigii: Gervasius cantor, Boso, Guido, Rogerus de Castello, Hugo Cessiars, Thomas de Rohaiz, Hugo de Manso, Helyas.

#### Testes de capitulo :

Guiricus decanus, Helyas, Obertus, Hugo de Manso, Tebaldus Linotet, Odardus Hairicus, Thebaldus Guichardus, Robertus, Enaldus de Melphi, Pontius de Tilia, Nicolaus.

ANNO DOMINI MCXXVII.

## S. OLDEGARIUS TARRACONENSIS ARCHIEPISCOPUS

### NOTITIA

(ANTONIO, *Bibliotheca Hispana vetus*, t. II, p. 20)

B. Oldegarius, qui Barcinonensis domo, natus anno 1060, patriæ urbis fuit episcopus (1), atque eodem tempore aliquot annis Tarragonensis archiepiscopus, tandemque sanctitate et miraculis inclitus, obiit sexta die Martii 1156, ætatis suæ LXXVI.

(1) Oldegarii Vitam anno 1760 edidit Cl. Mattheus Aymerichus, amicus olim noster, Barcinone D apud Joannem Nadal in *Nominib. et Actis episcoper. Barcinon.*, a pag. 318, ignoscendus sub initium